

A2^r

Vorred zûm Lefer.

ALs yetzund die welt gefchickt ift / kan ich wol gedencken/ vnnd bey mir felbs erachten/ das ſich vil leüt nit wenig verwundern werden / w3 mich verurfacht hab/ difes Trôumbûch lin / wie man nâchtliche geficht vnd Trôum vnderſcheyden/ außlegen vnnd erklären foll / zûfchreiben/ vnnd was etwann von den alten/ fonderlich dem trefflichen Philoſopho Artemidoro/ durch fleiffige erforschung vnd langwirige erfarnuß gerecht vnd warhafft erfunden/ aber bißher(wie auch andere treffliche künſt) als veracht vnd ring gehalten/ verduncklet vnd verborgen bliben / widerumb herfür ſûch vnnd an tag bringe. Die felbigen aber werden jres verwunderns nachlaſſen/ wa ſie meines fürnehmens vnd des rechten grunds / auß welchem ich bewegt / eygentlich bericht werden.

Fürnemlich dieweil niemands leügknen kan/ auch ſolchs von alter her/ yederman glaubt/ vñ warhafftig gehalten/ das wir ein göttliche mûtmaſſung vnd fürfe hûg künfftiger ding in vns habẽ/ dardurch wir abnehmen mögen/ was vns künfftigs gûts oder böß widerfaren vnd zûhanden gohn foll / welche fürfehung oder mûtmaſſnng die altẽ eyn weiffagung genãt haben/ ift ein groſſe anzeygung das die menſchliche feel von dem höchſtẽ Gott erfchaffen/ vñ mit Göttlichẽ gabẽ geziert ift/ dieweil allein dem menſchen gegeben vñ eingebildet

A ij ift/

A2^v

Vorred

ift künfftige ding/ das allein dem allmechtigē Gott zů gehört / durch gewilffe vorgende zeychen zůerfahren. Es ist auch kein volck auff dem erdbodē / es sey wie wild / vñ gschlacht/ graufam vñ grimm es wöll / das nit festiglich glaub vñ dafür halt/ das dem menschen zůgeben sey/ das er weißsagen/ vñnd künfftige ding mütmaßen könd/ daß es haben vor vil jaren vñ zům aller erften die Affirier/ welche der Göttlichen kunft des weißsagens erste anfänger gewesen seind (dieweil jr landtschafft vast eben/ weit vñ breyt was / auch des himmels vmbkreyß vñ oberste flecke allenthalben vñuerhindert/ beschawet werden möcht) den lauff des gestirns/ Suñ/ Mon / vñ gantzen himels wargenummen/ vñnd darauß die göttlich kunft der Astronomy / durch welche mā einem yeden warhafftig anzeygen vñ erfahren mag/ was jm die zeit seins lebens zůhanden gon / vñnd widerfahren würt/ erfunden. Dife Göttliche kunft ist nach vilen jaren auch von den Egyptern auffgenumen worden. Es haben auch jre nachpauere die Cilicier vñ Pifide/ vñnd die einwoner des lands Pamphylie wargenummen/ das man auß dem flug vñ gefang oder gschrey der vögel / künfftige ding abnehmen vñ ermessen kan. Darumb auch die alten Griechen gar nichts angehaben oder gehandelt/ wa sie nit vorhin durch antwort der götter oder andere weißsagung ein gewiffen bescheidt/ wie solches vollendet wurde/ empfangen hetten. Deßgleichen auch Romulus der erste anfänger / erbauer vñ König der statt Rom/ ist in difer kunft der weißsagung

A3^r

Vorred

gung vaft geübt vnd erfahren gewefen/ als auch etlich andere König / die jm in dem reich gefolgt haben. Deß halben vilerley weifen/ dardurch man künfftige ding erlernen vñ erfarē kōndt/ in der ftatt Rom auffbracht/ vnd in groffen ehren vñ werdt gehalten worden feind / welche fie von vil andern vōlckern zūwegen bracht vnd gelernet haben/ vnder welchen die weißagung/ offenbarung vnd mütmaffung künfftiger ding/ die wir durch trōum vnnd nāchtliche geficht / auch rechte erklārung vnd außlegung erlernen / vnnd erfahren/ nit die ringelt gewefen ift/ auch der felbigen vil mehr glaubens geben dann den andern/ dieweil fie ein gewiffen vnd fattern grund hat/ auch durch vil exempel / lange erforschung vnd auffmerckung/ allzeit warhaftig vnnd gewiß erfunden worden ift / als wir folches auch täglich erfarē/ oder bey den alten gefchichtfchreibern/ folche exempel mit gantzem fleiß befchriben finden/ deren wir etlich zū einer gewiffen zeügnuß anzeygen vnd erzōlen wōllen. Dem König Tarquinio Superbo hat auff ein zeit trōumet/ wie ein Hirt zū jm kumm/ vnnd zween fchöne wolgefalte Wider/ von eim fchaaff geboren/ mit fich bring / vnnd er den fchōnften daruon/ nach der weiß vnnd gewonheytt der Heyden/ den Göttern fchlachte vñ auffopffer/ Als er aber den andern bey den hōrnern hielt/ hat er jn mit einē ftoß hefftig verwundet/ vō den hōrnern zū der erden geftoffen / dz er auff den rucken gefallen ift/ alfo hat er gefehen die Sunn von der lincken gegen der rechten feiten mit jrem glantz vnnd klarheytt

A iij jren

A3^v

Vorred

jren lauff vollbringen. Difer troum ist jm von den elti=
 ften vnnd weifsten/ also außgelegt worden/ das er
 sich hüt vnd wol fürsehe/ den selbigen nit veracht/ vnd
 für vnuernünfftig als ein vieh halt / der mit weiß=
 heyt vnnd fürsichtigkeyt begabt ist / darmit er nit
 von dem selbigen auß seinem reich verjagt vnd verstoß
 fen werde/ dann der widerwertig vnnatürlich lauff
 der Sonnen bedeüte dem Römischen volck ein groß=
 fe veränderung/ aber zů glück vnnd wolfart/ dieweil
 die Sonn jren schein von der lincken gegen der rechten
 seiten gehabt hab im troum/ Das aber solchs geschehē
 vnd ergägen ist/ weyßt ein yeder wol der in der Rōmi=
 schen Chronick oder gŕchichtbüchern ein wenig belesen
 ist. Es schreibet auch Pötius Heraclides/ ein trefflicher
 mañ vñ ein junger des grossen Philoſophi Platonis/
 das der müter Phalaridis des graufamen Tyrannen
 vñ wütterichs getrōumet hab/ wie der Abgott Mercu=
 rius ein schalen voll blüts/ die er in seiner rechten hand
 hielt/ auff die erdē goffen hab/ sey also d3 selbig blüt vff
 der erden erwallet/ vñ also hefftig auffgequellt/ das d3
 gantz hauß voll blüts worden sey. Difer troum hat jhr
 on zweifel die graufam/ erschrocklich/ vnnd vnmenfch=
 lich tyranney jres luns bedeüt/ welcher alle tyran=
 nen vnd wütterich in graufamkeyt vñ vnmenfchlicher
 blütdürftigkeit vbertroffen hat. Also hat auch dē Kü
 nig Cyro trōumet/ wie er die Sonn zů vnderft an sei=
 nem beth sehe/ vnd zum drittē mal nach jr greiff/ vñ sie
 sich aber als offt auß drāye/ vñ zům drittē mal gar ver=
 schwind/

A4^r

Vorred

ſchwind / haben jm die alten warfager ſolchen troum
 außgelegt vnd gedeüt/ das er noch xxx. jar leben vnnd
 regieren werde/ welchs gefchehen / dann er hat das fi=
 bentzigft jar feins alters erreycht / vnnd war xl. jar alt
 als er zum Reich kam. Dergleichẽ exempel werdẽ auch
 vom Keyfer Auguſto beſchriben/ dann als er doch vaft
 krank / mit ſeinem hör wider Brutum vnnd Caffium /
 den tod des Keyfers Julij zũrechen/ im Philippiſchen
 feld lage/ hatt ſeinem artzet tröumet/ Artorius genät/
 wie jm die Göttin Minerua erfchin / vnnd jm beſelch
 geb/ dem Keyfer Auguſto anzũfagen/ dz er den folgen=
 den tag nit auß der ſchlacht bleib/ als ſolchs der Key=
 fer Auguſtus vernam/ hat er ſich vornen an die ſpitz
 des hörs fũren laſſen/ als er daſelbt in hoffnung was /
 den Sig zũ erlangen/ hatt Brutus das låger Auguſti
 eingenommen/ Alfo iſt der Keyfer Auguſtus auß ver=
 hãngnuß Gottes/ der tyranney vnnd dem gewalt ent=
 gangen/ vnnd durch den troum gewarnet vnnd er=
 rett worden. Das er aber deſt ehe dem troum feins ar=
 tzets Artorij glauben geben vnnd gefolget / iſt ein vr=
 fach gewefen/ das exempel/ das er von der Calphur=
 nia ſeines vatters weib gehört hat/ welcher tröumet in
 der vordern nacht/ als Julius erſtochen ward/ des an=
 dern tags/ wie ſie jn hett hart verwundet in jrer ſchooß
 ligen/ des troums ſie vaft erfchrocken / vnnd des
 morgens den Julium fleißig gebetten / das er des ſel=
 ben tags nit zũ raht gienge / Aber darmit er ſich nit
 ließ ein weibſchen troum erfchrecken/ gieng er in raht/
 vnd

A4^v

Vorred.

vnnd ward dafelbft mit vilen wunden jämerlich erfto= chen. Es befchreibt Cicero ein wunderbarliche Hiftori eines troums/ es feind zween gefellen auß Arcadia mit einander außzogen/ oder vber feldt gangen / vnnd gen Megaram die ftatt kūmen/ dafelbft aber v̄o einander gefcheyden/ der ein zũ feinem günnen freündt/ aber der ander in ein fchlechte Tabern oder Gafthauß einkeret/ Als man nun nach dem nachtelffen zũ beth gieng/ vnnd ſich jederman zũr rûg begab/ hat dem einen/ der zũ fei= nem freündt einkeret hat/ tröumet/ wie jn fein gefell an ſchreye vmb hilff/ vnd wa er nit bald auff were/ vnd jhn errettet/ würde jn fein Wirt vnnd Gafthalter oder Ta= bernierer vmbbringen. Als nun difer folches troums fehr erfcrack/ ift er fchnell auffgewüfcht/ als er aber er= mundert/ vermeint er / es were nur ein geficht oder fan= tafey / hat ſich widerumb nid⁹ gelegt zũ der rûg/ als bald hat jm widerumb tröumet/ wie fein gefell vor jm ftand/ jn bett vnd erman/ hab er jm nit wöllen zuhilff kūmen/ vnd fein leben erretten/ fo foll er doch feinen todt nit vn gerochen laffen/ dañ fein Wirt hab jn ermördet/ vnd in ein miſthauffen auff einen wagen geladen / vergraben darumb foll er ſich auffmachen/ vnnd des morgens am thor auff folchen miſtwagen warten/ vnnd alfo feinen vnſchuldigen todt vnd mordt anzeygen. Von difem troum ward er erft bewegt/ macht ſich auff / gieng zũ d⁹ porten/ vñ erwüfcht den wagen/ fragt den fürmañ was dariñ ſteckt / oder was er füret/ daruon er erfcrack/ vnd hinweg flohe/ da ift der entleibt herfür zogen/ vnnd der wirt

B1^r

Vorred

wirt vmb den mordt getroffen vñ gericht worden. Der gleichen exempel werden vil von den Geschichtschreibern oder hitoricis anzogen vnd beschriben / Darumb die Römer als vil auff dife weiffagung vnd eröffnung künfftiger ding durch die tröum vñ nãchtliche geficht gehalten haben/ das gebotten ward/ alles das/ was einem sonderlich tröumet/ das jn bedunckt den gmeynen nutz antreffen/ folt für den oberften raht gebracht werden. Es ift auch dife weiffagung künfftiger ding vnferm Chriſtenlichen glauben in keinen weg entgegen oder zúwid⁹/ dieweil folche tröum alle in nũchtern/ vernũfftigen vnnd weifen perſonen / die nit mit ſpeiß/ tranck/ allerley wolluft vñ üppigkeyt vberladen ſeind/ fürkummen/ dann was ſolchen groben/ vnuerſtãndigen/ vihiſchen leüten/ die on ordnung vñ alle vernũfft/ wie dz vich / jrem wolgefallen vnd gũtduncken nach / in aller fülle vnd vnmãffigkeit leben/ von tröumen oder nãchtlichen gefichten fürkumpt/ ift nichts anders dañ ein geſpenſt vnd fantaſey derẽ ding/ damit ſie des tags vmbgõd vnd treiben/ welchs jnen dann im ſchlaff alfo wider fürkumpt/ kan nichts darauß erfahren oder geurtelt werden/ dann es tröumet auch den vnuernũfftigen thieren von ſolchen dingen/ die allein den leib antreffen.

Dieweil aber nun dife kũft nit allein die Heydnifch / ſonder auch die Gõttlich ſchriſt warhaftig zeũgt/ als wir deſſelben nit weniger noch ringer exempel habẽ/ in heyliger vñ Gõttlicher ſchriſt/ kan ich nit wiſſen auß

B was

B1^v

Vorred

was vrfach dife Göttliche kunft / welche die menfchlich natur vbertrifft/ von etlichen naßweifen / vnd die valt vil vff jr ftoltze weißheytt halten / getadelt würt/ vnd zü teyl gantz vernicht vnnd veracht / auch für vngewiß / falch/ vnd betrüglich gehalten/ dieweil doch gewiß ift/ wie folchs der trefflich/ glaubwürdig/ vnd warhafft gefchichtfchreiber Trogus befchreibt/ das der mann Gottes Jofeph/ der fun Jacobs/ dife Göttliche künft erflich erfunden hab / vnnd wie die heylig gefchrifft felbs bezeugt / in difer kunft valt geübt vnd erfahren gwefen fey/ dann als er auff ein zeyt feinen brüdern erzölt / was jm tröumet hett/ nemlich wie fie auff dem feld garben mit einander auffbunden / aber jn bedunckte wie fich fein garb die er gebundē hett/ auffrichtet vñ ftünd/ aber feiner brüder garben fich vmbher buckten vnnd neygten gegē feiner garben/ haben feine brüder bald auß difem troum gemerckt vnd gemütmaßt/ das er über fie herrfchen wurde/ darumb ein neid vnd feindfchafft auff jn gefchlagen. Er hat aber noch einen andern troum/ den erzölt er auch feinen brüdern/ vnd fprach/ Sehend ich hab noch einen troum gehabt / mich bedunckte die Sunn vnd der Mon/ vnd eylff fternen buckten fich vor mir/ vnd da das feinem vatter vnd feinen brüdern gefagt ward/ ftrafft jn fein vatter/ vñ fprach zū jm/ Was ift das für ein troum/ der dir tröumet hat? foll ich/ vnd dein mütter/ vnd deine brüder kummen/ vñ für dich ni der auff die erd fallen? vnnd feine brüder neideten jhn. Es begab fich aber / nach dē er auß neid von feinen brüdern

B2^r

Vorred

dern verkaufft ward / in Egypten gefürt/ vnd dafelbft
 vnſchuldigklich vmb der gerechtigkeit willen / in das
 gefäncknuß mit ſampt dem Schencken vnnd oberften
 hoffbecken des Königs zů Egypten gelegt ward/ das
 den felbigen beyden tröumet in der gefäncknuß / einem
 yegklichen ein ſonderer troum / Erftlich dem Schen=
 ckẽ / wie ein weinftock vor jm gewefen wer/ der hett drey
 råben oder grüne zweig gehabt / die wũchfen vnd blũe=
 ten/ vnd ward jre frucht zeittig/ vnd er hett den bãcher
 des Königs Pharaonis in feiner hand/ vnd zertruckte
 die treübelbõr darein/ vnnd gabe dem König den bã=
 cher in die handt. Difem hat Joſeph feinen troum al=
 fo außgelegt / nemlich/ das die drey råben drey tag be=
 deütten ſolten/ das er der gefäncknuß entledigt wurd/
 vnnd wider von dem König Pharao in ſein ampt ge=
 ſetzt werdẽ ſolt / dz er jhm den bãcher in die handt geb/
 nach der vorigen weiß/ dieweil er noch ſein Schenck wa=
 re. Als aber der Beck hört/ das die bedeüttung difes
 troums gůt was/ ſprach er zů Joſeph/ mir hat auch
 tröumt / wie ich drey kõrb voll gebachẽs brott auff mei=
 nẽ haupt trũge/ vnd mir dir võgel darauß affend/ vn
 die ſpeiß hinweg trũgen / Joſeph antwort jm vnnd
 ſprach/ das ift die bedeüttung von dẽ drey kõrben/ drey
 tag/ vnd nach dreyen tagen würt Pharao dein haupt
 erheben/ vnnd dich an den liechten galgen hencken/
 vnnd die võgel werden dein fleyſch verzõren. Vnnd
 es geſchahe des dritten tags/ das Pharao feinen jars
 tag begieng / vnnd den Schencken widerumb zů ſei=
 nem ampt eynſetzt / aber den Becken ließ er hencken.

B ij Der

B2^v

Vorred

Der Schenck aber gedacht ftätigs an den troü/ vñ wie Jofeph jm jhn auß gelegt hat. Vnd als nach zweyen jaren dem König Pharao tróumet ein troum/ darab fein geyft betrübt ward/ vnd nach allen Warfagern in Egypten fchicken ließ/ jm feinem troü außzúlegen/ redet der Schenck mit Pharaone/ vnd erzólet jm alle gefchicht/ wie Jofeph jm vñ dem Becken jre tróum außgelegt hett. Da fendet Pharao nach Jofeph/ vnd erzólet jm feinen troü/ den jm funft niemandts von den Egyptiern hat außlegen vnd deütten können. Darüb noch heütigs tags ein zanck zwifchen den Juden vnnd den Heyden ift/ vmb die ehr/ von welchem theyl dife Göttliche kunft erfunden fey / dieweil folches die Juden dem Jofeph / dem fun Jacob zúfchreiben/ auß zeügnuß der heiligen gefchrifft/ aber die Heyden dem Amphictione/ ρc.

Das aber dife gewiffe/ warhafftige/ vnnd Göttliche kunft/ von vnfern voffaren den elteften Juden vñ Heyden/ bey vns gar in verachtung kumen ift/ acht ich/ hab fein vrfprung/ vnd fey daher erwachfen/ dieweil es nicht ein gering ding ift / ein yeden troum warhafftig außlegen vnnd erklären/ auch nit einem yeden folche tróum/ durch welche man treffliche zúkünfftige ding mütmaffen vnd erachten kan/ fürkúmen/ oder wie gefagt ift / erfcheinen/ fonder allein den heyligen/ Gottsfórchtigen/ weifen/ vnd redlichen leüten/ welche fich der máßfigkeyt vnd vernunfft in allen dingen gebrauchen/ den felbigẽ würt auß Göttlicher fchicküg durch die feel
(welche

B3^r

Vorred.

(welche von art ein weißfagerin ist) die stätigs wachet/
 zu oberft in der vernunft vnd siñ (ob sich gleich wol der
 leib zu rügen geben hat/ vnd on alle entpfindlichkeit/
 gleich als ob er todt were/ ligt vnd rüwet) beschauwet/
 gleich wie ein getreüwer vnd sorgfältiger haußhalter /
 was dem menschlichen körper/ darein sie verschlossen ist
 als in einem hauß vnd wohnung/ für zufäll/ glück oder
 vnglück zuhanden gohn mögen/ folchs bildet sie der ver
 nunfft ein/ durch wunderbarliche figuren / vnd feltzame
 gefalten / deren ding die wir täglich vor augen sehen/
 darmit wir vor den bösen zufällen vnd vnglück gewar=
 net feyen/ vnd das gut mit verstandt vnd klügheit mö=
 gen erharren vñ auffneñen. Darumb dise kunft nit we
 nig nutz bringt/ wa sie recht vnd gepürlich gebraucht
 würt/ dann auch offtmals den ärzten in den Träumen
 (die sich hefftig beküñerten vnd bemüheten/ vmb das
 heyl vnd gefundtheit jrer krancken) fürkñmen ist/ was
 sie dem selbigen nutzlich vnd ohn schaden darreychen
 möchten / wie folchs Hippocrates vnd Galenus die für
 nambften ärzet/ die ye gewesen seind/ an vil orten bezeü
 gen/ daß die artzney hat ein sonderliche gemeinshaft
 mit der weißfagung / dieweyl sie beyde von einem anfän
 ger/ als die Heyden beschreibẽ/ nemlich dem Appolline/
 erfunden seind. Es erlernt auch offtmals der Artzt auß
 den träumen des krancken/ die recht vrfach der kranck=
 heit/ on welche er sunft dem kranckẽ nit helffen mag. ꝛc.
 Auß difen vil erzölten vrfachen/ bin ich fürnemlich be
 wegt worden/ dise Göttliche kunft nit länger verdunck

B iij let/

B3^v

Einleytung

let/ veracht/ vernicht/ verpott gantz für vnwar=
hafftig gehalten werden/ der Hoffnung/ es werd ein je=
der rechtgefchaffner menfch/ der alle ding zû dem belten
keret/ dife mein angewendt mühe jm nit mißfallen laf=
fen/ wa ich folchs fpüren vnnd mercken wurde/ würd ich
verurfacht werden/ auch andere ding/ die bißher
verduncket/ vnd verborgen feind/ je=
derman zû nutz vnd gût/ an
tag zugeben.